

پولس رسولِ نامہ رومیانِ کلیسا رہ

درون خوائم کی آگہ خُدا پُخواہ آخر سر بتانم
 شیمی دئنِ رہ بائِم۔^{۱۱} چونکی من ذوقِ دَرَم
 شمرأ بیدیتَم تا روحانی عطایان شیمی ایمان
 قوتِ واسی شمرأ فدم۔^{۱۲} یعنی آنکی تا امان
 ہمدیگر ایمانِ امرا دیلگرم بیبیم، ہم شُمان ہم
 و من۔^{۱۳} ای برارن، نخوائم بی خبر بیبید کی
 چن مرتبہ خواستیم شیمی ورجا بائِم، ولی ہر
 بار ایچی پیش بامو۔ خوائم شیمی میائِم ایچہ
 محصول درو بکونم، هُطوکی الباقی غیرِ یهودیانِ
 درون بکودَم۔

^{۱۴} من مَرہ، ہم یونانیان و ہم بَربرِ ثان، ہم
 دانایان و ہم نادانانِ مدیون دانم۔^{۱۵} آنہ واسی،
 خیلی ذوقِ دَرَم، انجیلِ شِمِرہ کی روم درون
 زندگی کونیدی، اعلام بکونم۔

^{۱۶} چون انجیلِ جا شرمندہ نیئَم؛ چرہ کی
 انجیل، خُدا قوتِ ایسہ ہرکس نجات رہ کی
 ایمان باورہ، اول یهودی و بازین جغیر یهودی۔
^{۱۷} چونکی انجیل درون، اُ صالحی کی خُدا جا
 ایسہ آشکار بہ، کی جہ بنا تا آخر، ایمانِ سر
 استوار۔ هُطوکی خَبَقوق پیغمبر کتاب درون
 بینویشتہ بُبوستہ: «صالح آدم ایمان امرا
 زندگی کونہ۔»

خُدا غَضَب گناہ کار آدمیانِ سر

^{۱۸} چونکی خُدا غَضَب آسمانِ جا ہرجور بی
 خُدا بی و آدمیانِ ناراستی سر آیہ کی خوشانِ
 ناراستی امرا حقیقت از بین بریدی۔^{۱۹} چون
 اونچی کی خُدا جا شہ ایشناختن، اوشانِ رہ

۱ پولس جا، مسیح عیسی نوکر،
 کی رسالت واسی دعوت بُبوست و خُدا
 انجیلِ رہ وقف بُبوست؛^۲ ہو انجیلی کی خُدا
 پیشتر، بواسطہ ی خو پیغمبران، اونِ وادہ ی
 مُقدس کتابان درون بدہ بو،^۳ اونِ پسر بارہ،
 کی داوود نسلی جا طبق جسم بزا بُبوست،
^۴ و طبق روح قدوسیت، خو زندہ بوستن مرا
 مردثانِ جا، قوت درون اعلام ببوست کی خُدا
 پسر ایسہ، یعنی آمی خُداوند عیسی مسیح۔
^۵ خُدا بواسطہ ی مسیح امرا فیض فدہ تا اونِ
 رسولانِ بیبیم و تمان ملتانِ رائنمای بکونیم
 کی مسیح نامِ ایمان باورید و اونِ جا اطاعت
 بُکونید۔^۶ و آن، شیمی شیتَم ایسہ کی دعوت
 بُبوستید تا عیسی مسیح شین بیبید،
^۷ تمانِ اوشانی کی روم شارِ درون ایسائید کی
 خُدا اوشانِ دوست دارہ و دعوت بُبوستیدی تا
 جہ مُقدسین بیبید:

فیض و صلح و سلامتی جہ خُدا طرف، آمی
 پُر، و عیسی مسیح خُداوند، شمرأ بہ۔

پولس روم شوئن واسی ذوق کونہ

^۸ اولاً، می خُدا ی بواسطہ عیسی مسیح،
 شُمان ہمتانِ خاطر ی شُکر کونم، چونکی
 شیمی ایمانِ آوازہ تمان دُنیا درون بیپیچستہ۔
^۹ چون خُدا بی کی اونِ تمانِ می دیل و جانِ امرا،
 اونِ پسر انجیل کار درون خیدمت کودَن دَرَم،
 مرہ گوائی دتہ کی چُطو یکسرہ می دُعا نانِ درون
 شمرأ بہ یاد آورم۔^{۱۰} و ہمیشک می دعا نانِ

اوشان ہرجور حسودی، قتل، دعوا، فریب و بدخوائی جا پُر ایسید۔ اوشان، بُشت سر حرف زن، ۳۰ اِفترا زَن، خُدا دوشمندان، گستاخ، مغرورید و منم منم داریدی۔ شروانہ کاران انجام دَنی رہ، تازہ راہ نان چاکونیدی و خوشان پُر و مار جا فرمان نبریدی، ۳۱ نفہم، پی وفا، پی عاطفہ و پی رحم ایسید۔ ۳۲ با آنکی خُدا عادلانہ حُکم جا وَاُحید کی مکافات اوشانی کی آجور کاران کونیدی مُردن ایسہ، نہ فقط خودشان اُ کاران کونید، بلکی اوشانی تَم کی اُ کاران انجام دئیدی، تصدیق کونیدی۔

خُدا عادلانہ داوری

۲ پس تو ای آدمی کی اینفر دیگر داوری کونی، ہرکسی کی بیبی ہی بھانہ ای ناری۔ چون وقتی کی اینفر دیگر داوری کونی، خودت محکوم بکودہ ای، چونکی تو، آی داور، خودت اُ کار کونی۔ ۲ امان دانیم کی خُدا داوری اوشان رہ کی آجور کاران کونیدی، بہ حق۔ ۳ تو، آی آدمی کی الباقی داوری کونی و خودتَم ہو کار انجام دئی، خیال کونی کی خُدا داوری جا جیویزی؟ ۴ یا انکی خُدا مہربانی، طاقت و پبلہ صبر، کوچک ایشماری و وَاُحُب نیئی کی خُدا مہربانی آنہ واسیہ کی ترہ توبہ سمت بیرہ؟

۵ ولی تو، تی سرسختی واسی و تی دیل کی نخواستہ توبہ بکونہ، خُدا غضب ترہ غضب روج رہ انبار کونی، اُ روج کی خُدا عادلانہ داوری اوین درون آشکار بہ۔ ۶ خُدا «ہرکس ہونہ کاران اندر سزا دئہ»۔ ۷ خُدا ابدی زندگی، اوشانی فادہ کی صبر امرا حُب کاران انجام دتن درون، جلال و حرمت و ابدی زندگی دُمبالید؛ ۸ ولی اوشان رہ کی منم منم کونیدی و حیثیت جا اطاعت نُکونیدی، بلکی ناراستی اطاعت کونید، غیظ و غَضَب نئہ۔ ۹ ہرکس کی بد

آشکار ایسہ، چرہ کی خُدا اوین اُشان رہ آشکار بکودہ۔ ۲۰ چونکی خُدا اُصفتان کی بیدہ نیبہ، یعنی ابدی قوت و اوین ذات الہی، دُنیا خلق بُبوستن جا اُ چیان درون کی بساختہ بُبوستہ واضح بیدہ بہ۔ پس اوشان ہی بھانہ ئی ناریدی۔ ۲۱ چون، ہرچن کی خُدا بشناختید، ولی اوین خُدا مانستن احترام ننتید و شُکر نُکودید، بلکی خوشان فکر درون ہیچ و پوچ گرفتار بُبوستید و اُشان نفہم دیلان طولمات بیگفت۔ ۲۲ ہرچن کی ادعای دانایی کودید، نادان بُبوستید، ۲۳ و اوشان ابدی خُدا جلال، اُ بتانی امرا کی، آدم فانی و پرندنان و جانوران و خزندنان مانستن عوض دکش بکودید۔

۲۴ پس خُدائِم اُشان، خوشان دیل ہوا و ہوس درون ناپاکی مرا ولا کود، تا خوشان میان خودشان تَن پی حرمت بکونید، ۲۵ چونکی اوشان اُ حقیقت کی خُدا بارہ ایسہ دوروغ امرا عوض دکش بکودید و عوض مخلوق، خالق پرستش و خیدمت بکودید، خالق کی بایستی تا ابد پرستش کودن۔ آمین۔

۲۶ آنہ واسی خُدائِم اُشان، خوشان شرم اور ہوا و ہوس درون ولا کود۔ چونکی اوشان زناکان، طبیعی رابطہ ی جغیر طبیعی رابطہ امرا عوض دکش بکودید؛ ۲۷ و جہ ارو، مرداکانم جہ طبیعی رابطہ زناکان امرا دس بکشہ ائید، و ہمدیگرہ ہوا و ہوس آتش درون بسوختید۔ مرد، مرد امرا شرم اور کاران بکود و خوشان بد کاران مکافات فیگفتید۔

۲۸ جہ اویا کی اوشان رہ ارزش ناشتی کی خُدا بشناسید، خُدا اوشان، اُشان فاسد فکران درون ولا کود تا اُ کاری کی نبایستی انجام بدید، بکونید۔ ۲۹ اُشان ہرجور نادُستی، شرارت، طمع و بدخوائی جا پُر ایسید۔

کونی؟ تو کی بُت تان جا خفت دری، خودت معبدان غارت کونی؟^{۲۳} تو کی شریعت داشتن رہ گلاز کونی، شریعت ایشکنئن امرا خُدا یی حرمتی کونی.^{۲۴} چون هُطوکی پیغمبران کتاب درون بینویشته بُبوسته: «شیمی واسی، جغیر یهودیان میان خُدا نام کفر گیدی.»

^{۲۵} ختنه کوذن موقعی ارزش درہ کی شریعت بجا باورید، ولی آگہ شریعت بشکنید آنہ مانہ کی ختنہ بُبوستہ بیبید.^{۲۶} پس آگہ مرداکی کی ختنہ نبوستہ، شریعت حُکمان بجا باورہ، مگہ اون ختنہ نبوستن، ختنہ بُبوستن بحساب نیہ؟^{۲۷} پس اونکی جسم درون ختنہ بُبوستہ، ولی شریعت بجا آورہ، ترہ محکوم خوائہ کودن، تویی کی ہم شریعت بینویشته بُبوستہ حُکمان دری، و ہم ختنہ بوستن، ولی خُدا شریعت ایشکنی.

^{۲۸} چونکی یهودی، آن نیئہ کی بہ ظاہر یهودی بہ، و ختنہ تم کاری نیئہ کی جسم و ظاہر درون بہ.^{۲۹} بلکی یهودی اونی ایسہ کی باطن درون یهودی بہ و ختنہ ہم کاری ایسہ دیلی، کی خُدا روح اون انجام دئہ، نہ بواسطہ ایٹا بینویشته. آجور کسی خُدا تحسین کونہ، نہ آدم.

خُدا وفا دارہ

۳ پس یهودی بودن فایده چیسہ؟ یا ختنہ بوستن چی ارزشی دارہ؟^۲ خلی، جہ ہر نظر. اول آنکی خُدا کلام یهودیان امانت واسپارده بُبوستہ.

^۳ آگہ بعضی جہ اوشان وفادار نبوستہ بید، چی بوستی؟ مگہ اوشان وفادار بُبوستن، خُدا وفاداری باطل کونہ؟^۴ ہرگس! حتی آگہ تمان آدماں دوروغو بیبید، خُدا راستگو ایسہ! هُطوکی داوود مزبور درون بینویشته بُبوستہ:

کاران انجام دئہ، رنج و عذاب اون نصیب بہ، اول یهودی بازیج جغیر یهودی.^{۱۰} ولی خُدا جلال و حرمت و صلح و سلامتی اُ کسان نصیب بہ کی خُبی کونیدی، اول یهودی بازیج جغیر یهودی.^{۱۱} چونکی خُدا فرق نئہ.

^{۱۲} چون تمان کسان کی بی اونکی موسی شریعت بَدَرید، گناہ کونیدی، بدون شریعتم ہلاک خوائید بوستن؛ و تمان کسان کی شریعت جیر ایسائیدی و گناہ کونیدی، شریعت امرا داوری خوائید بوستن.^{۱۳} چون اوشانی کی شریعت ایشتاوید خُدا دید درون صالح نیئید، بلکی اوشانی صالح خوائید بوستن کی شریعت عمل کونیدی.^{۱۴} چون وقتی جغیر یهودیان کی شریعت ناریدی، بنا بہ غریزہ، شریعت اعمال بجا آوریدی، اوشان با آنکی شریعت نارید، خوشان رہ شریعتی ایسید.^{۱۵} اوشان نشان دینیدی کی شریعت اعمال اوشان دیل سر بینویشته بُبوستہ، آجور کی اوشان وجدانم آن رہ گوائی دئہ چونکی اُشان فکران، یا اوشان محکوم کونہ و یا حتی تبرعہ کونہ.^{۱۶} آن اُج درون ایتفاق دکفہ کی خُدا بنا بہ اُ انجیلی کی من اعلام کونم، آدمیان رازان، بواسطہ مسیح عیسی داوری کونہ.

^{۱۷} ولی آگہ تویی کی ترہ یهودی دانی و شریعت سر تکیہ کونی و آنہ واسی کی خُدا ایشناسی، ترہ گلاز کونی^{۱۸} و اون ارادہ ی دانی و چونکی شریعت جا تعلیم بیگیتی، بختین چیان سیوا کونی،^{۱۹} و آگہ ختم دری کی تو خودت کوران رائنامی و اوشانی کی ظولمات درون ایسائید رہ نوری،^{۲۰} نادانان مربی و زاکان معلم ایسی، تو، شریعت کی دانایی و حقیقت، دری-^{۲۱} پس تو کی بقیہ ی یاد دیئی، ترہ یاد ندی؟ تو کی دوزدی ضد موعظہ کونی، خودت دوزی کونی؟^{۲۲} تو کی گی زینا نُکون، خودت زینا

«افعی زهر، آشان لبانِ جیر ننه.»

۱۴ «آشان دهن زرخي و نفرين جا پُره.»

۱۵ «آشان لنگان خون فکودن ره

تأدی ذره؛

۱۶ هرجا کی شیدی، ویرانی و بدبختی

بجا نیئیدی،

۱۷ و اوشان صلح و سلامتی رای

نشناسیدی.»

۱۸ «خُدا ترس، اوشان چومان درون ننه.»

۱۹ هسا دانیم اونچی کی شریعت گه، اوشان

شین ایسه کی شریعت جیر ایسائید تا هر دهني

دَوَسته ببه و تمان دُنیا، خُدا محضر میان

جواب پس بدید. ۲۰ چونکی هی آدمی نیه کی

شریعت اعمالِ انجام دئن مَره، خُدا دید درون

صالح ببه، چونکی شریعت، گنایِ امرا نیشان

دئه.

خُدا صالحی ایمان راه جا

۲۱ ولی هسا شریعتِ جا سیوا، اُ صالحی کی

خُدا جا ایسه آشکار بوسته، هُطوکی شریعت و

پیغمبران اون ره گوايِ دیدیدی. ۲۲ اُ صالحی کی

خُدا جا ایسه، عیسی مسیح ایمان داشتن راه

جا، تمان اوشانی نصیب به کی ایمان آوریدی.

چون هی فرقی ننه: ۲۳ چونکی همه گناه بکودید

و خُدا جلال جلو کم آوریدی. ۲۴ و خُدا فیض

امرا کی ایتا پیشکش مانه و بواسطه اُ آزادی

بها کی مسیح عیسی درون ننه، صالح بحساب

آئیدی، ۲۵ خُدا عیسی مسیح، گناتانِ گفاره

مانستن قرار بده، اُ گفاره ای کی اون خونِ امرا و

ایمانِ راه جا بدست آیه. آن خُدا عدالتِ نیشان

دئن واسی بو، چونکی اون خو صبرِ الهی امرا،

اُ گناتانی کی پیشتر ایتفاق دگفته بو، نیده بو

بیگفت. ۲۶ آ کار آنه واسی بو تا خو عدالت آ

«جه آرو، وقتی کی گب زنی، راست گی،

و اُ زما ت کی داوری کونی، تی

داوری دُرسته.»

۵ ولی اگه آمی ناراستی خُدا راستی آشکار کونه،

چی بایستی بیگیم؟ مگه خُدا اُ موقع کی آمی

سر غضب کونه ظالمه؟ آدم مانستن گب

زئن درم. ۶ هرگس! چونکی اُ موقع خُدا چُطو

تانستی دُنیايِ داوری بکونه؟ ۷ ولی اگه بواسطه

می دروغ خُدا حقیقت ویشتر جلال گیره، ده

من چره ایتا گناکار مانستن محکوم بَم؟ ۸ و

چره نیگیم کی: «بائید بدی بکونیم تا خُبی

بدست بایه؟ ۹ هُطوکی بعضیان امرا ایفتر بزئید

و ادعا کونیدی کی امان آطو گفتن دریم؟ آشان

محکوم بوستن عادلانه ایسه.

هیگس صالح نیه

۹ پس چی بایسی گفتن؟ مگه امان یهودیان

وضع، جغیر یهودیان جا بختره؟ نه، هرگس!

چونکی پیشتر ادعا بکودیم کی همه، یهود و

جغیر یهود هر دو گناه بار جیر ایسائید.

۱۰ هُطوکی مُقدس کتاب درون بینویشته

بُبوسته:

«هیگس صالح نیه، حتی اینفر.

۱۱ هیگس فهمیده نیه،

هیگس خُدا واموجستن دُمال نیه.

۱۲ همتان خُدا جا رو واگردانه اید،

اوشان همدیگر امرا باطلِ راه

درون بشوئید.

هیگس خُبی نُکونه،

حتی اینفر.»

۱۳ «اوشان گولی ایتا باز قبر مانه؛

خوشان زوانِ گول زئن ره به

کار گیریدی.»

۷ «خوشا بحال اُ کسانِ کی اوشانِ

خطائانِ بیخشہ بُبوست،

و اوشانِ گنائانِ بُپوشانہ بُبوست؛

۸ خوشا بحال اونکی خُداوند، اونِ گناہ

اونِ حساب نَنہ.»

۹ مگہ آ خوشا بہ حالان، فقط اوشان شینہ

کی ختنہ بُکودید یا ختنہ بُبوستہ ثانِ شینم

ایسہ؟ چونکی بُگفتیم ابراہیم ایمان اون رہ

صالحی بحساب بامو۔ ۱۰ پس چطو اون رہ

بحساب بامو؟ اُ زماں کی ختنہ بُکودہ بو یا

پیش جہ اون؟ البت کی پیش جہ اونِ ختنہ

بوستن بو، نہ بعدِ اون۔ ۱۱ ابراہیم ختنہ نیشانہ

یٰ فیکفت تا اونِ صالحی رہ مُہری بہ کی

پیش جہ ختنہ بوستن و ایمان امرا، اون نصیب

بُبوستہ بو۔ جہ آرو اون تمانِ کسانِ کی بدونِ

ختنہ ایمان آوریڈ پئر ایسہ تا اوشانم صالح

بحساب بائید۔ ۱۲ و ابراہیم ختنہ بُبوستہ ثان

پئرئم ایسہ، یعنی اوشانِ پئر کی نہ فقط ختنہ

بُبوستید، بلکی ایمانِ راہ درون قدم اوسانیدی،

ہو راہ درون کی آمی پئر ابراہیم قبلِ آنکی ختنہ

بہ، قدم اوسادی۔

خُدا وعدہ یٰ گیفتم ایمان راہ جا

۱۳ چون شریعتِ راہ جا بُبو کی ابراہیم و اون

نسلِ وادہ بدہ بُبوست کی دُنیا وارثِ خوائید

بوستن، بلکی اُ صالحی راہ جا ایسہ کی ایمانِ سر

استوارہ۔ ۱۴ چون آگہ اوشانی کی شریعتِ دمبال

کونیدی وارثِ بیبید، ایمانِ باطلِ بہ، و وادہ

ہیج۔ ۱۵ چونکی شریعت، خُدا غَضَبِ آورہ؛ ولی

اویا کی شریعت نَنہ، شریعتِ زیر پا نِن ہم نَنہ۔

۱۶ جہ آرو، وادہ بواسطہ ایمانِ آیہ تا فیض

سر استوار بہ و تمانِ ابراہیم پیغمبر نسل

رہ ایٹا ضمانت، یعنی نہ فقط اوشانِ رہ کی

شریعت جا اطاعت کونیدی، بلکی اُ کسانِ رہ

دورہ زمانہ درون نیشان بدہ، تا خودش عادل

بہ و تمانِ اوشانیم کی عیسیٰ ایمانِ دریدی،

صالح بحساب بائید۔

۲۷ پس دہ آمی افتخار کودن چیسہ؟ دہ ہی

جایِ افتخاری نَنہ! بر اساس چی؟ بر اساس

اعمالِ شریعت؟ البت کی نہ، بلکی بر اساس

ایمانِ شریعت۔ ۲۸ چونکی امانِ اعتقادِ دریم

کی آدم بی اونکی شریعتِ اعمالِ انجامِ بدہ،

ایمانِ امرا صالح بحساب آیہ۔ ۲۹ مگہ خُدا

فقط یہودیانِ خُدا ایسہ؟ مگہ بغیرِ یہودثانِ

خُدا نیٹہ؟ البت کی اون، بغیرِ یہودثانِ خُدائم

ایسہ، ۳۰ چونکی فقط ایٹا خُدا وجودِ درہ، و

اُ خُدا ختنہ بُبوستہ ثانِ بر طبقِ ایمان و ختنہ

بُبوستہ ثائم بر طبقِ ہو ایمان، صالح بحساب

آورہ۔ ۳۱ پس امانِ آ ایمانِ امرا شریعتِ از بین

بریم؟ البت کی نہ! برعکس، امانِ شریعتِ

پابرجا کونیم۔

ابراہیم صالح بحساب آمون ایمان امرا

۴ پس اونچی بارہ کی ابراہیم بدس باورد، چی
شہ گفتن، اونکی بواسطہ جسم، آمی جد

بحساب آیہ؟ ۲ چونکی آگہ ابراہیم خو اعمال

امرا صالح بحساب بامو بو، ایچی فخر کودن

رہ دشتی؛ ولی نہ خُدا ورجا۔ ۳ چونکی تورات

درون چی بینویشتہ بُبوستہ؟ «ابراہیم، خُدای

ایمان باورد و آن، اون رہ صالحی بحساب

بامو۔»

۴ ہسا اُ گس کی کار کونہ، اونِ مُزدِ اونِ

حق، پیشکش نہ۔ ۵ ولی اُ گس کی کار نُکونہ،

بلکی اونِ توکلِ اُ خُدا رہ ایسہ کی بی خُدائائم

صالح بحساب آورہ، اونِ ایمانِ اون رہ صالحی

بحساب آیہ۔ ۶ هطوکی داوود پادشاهم اُ کسی

کی خُدا اونِ بدونِ اونِ اعمالِ صالح بحساب

آورہ موارک خوانہ و گہ:

٦٨، صبر به بار آور، ٤ و صبر شخصیت به بار آور و شخصیت اُمید به بار آور، ٥ و اُمید اُمی شرمندگی باعث نیبه، چونکی خُدا محبت، بواسطه ی روح القدوس کی اُمرا قده بُبوست، اُمی دیلان درون فووسته ذره.

٦ چون اُ زمات کی امان هنو ضعیف بیم مسیح، به موقع بی خُداانِ واسی جان بده. ٧ چون کم پیش آبه کی اینفر خو جان ایتا صالح آدم واسی بنه، هرچن شاید اینفر آ جرأت بدره کی ایتا حُب آدم واسی خو جان فیده. ٨ ولی خُدا اُطو خو محبت اُمرا نیشان بده، اُ زمات کی امان هنو گُناکار بیم، مسیح اُمی واسی بمرد. ٩ پس جه اويا کی هَسا امان، اوین خوین خاطری صالح بحساب باموئیم، چنقدر ویشتر بواسطه اون، خُدا غَضب جا نجات یابیم. ١٠ چون آگه اُ موقع کی خُدا اُمرا دُشمند بیم و اوین پسر مَرَدینِ خاطری، خُدا مره آشتی بده بُبوستیم، چنقدر ویشتر الان کی اوین مرا آشتی درون ایسائیم، بواسطه اوین زیندگی نجات خوائیم گیفتن. ١١ نه فقط آن، بلکی امان کی بواسطه ی اُمی خُداوند عیسی مسیح خُدا آشتی اُمی نصیب ببوست، خُدا درونم شادی کونیم.

مرگ بواسطه ی آدم، زیندگی بواسطه ی مسیح

١٢ پس هُطوکی گناه بواسطه ی ایتا آدم آدُنیا درون بامو، و بواسطه ی گناه، مرگ بامو، و اُطوپی مرگ تمان آدمانِ دامنِ بیگیت، چونکی همه گناه بُکودید - ١٣ چون راس راسی قبل آنکی شریعت فده ببه، گناه، دُنیا درون ننه بو ولی اويا کی شریعت ننه، گناه بحساب نابه. ١٤ با آ حال، آدم جا تا موسی پیغمبر، مرگ تمان مردومانِ سر حاکم بو، حتی اُ کسانِ سر

نم ایسه کی ابراهیم ایمان جا اطاعت کونیدی، کی اُمی همتان پُره. ١٧ هُطوکی تورات کتاب درون بینویشته بُبوسته: «من تره خَیلی جه ملتان پُر بُکودم.» و خُدا دید درونم هُطویه، خُدایی کی ابراهیم، اوْن ایمان باورد کی مردنان زنده کونه و اُ چپائی کی وجود ناره هستی قده. ١٨ اُ جایی کی اُمیدی ننه بو، ابراهیم اُمید امرا باور بُکود کی خَیلی جه ملتان پُر به، هُطوکی اوْن بگفته بُبوسته بو: «تی نسل اُطو خوائه بوستن.» ١٩ ابراهیم خو ایمان درون ضعیف بُبوست، هو موقع کی خو بمرده جان فندرست، چون دور و ور صد سال داشتی و هو موقع کی سارا رحمَم خشک بوسته بو. ٢٠ ولی اوْن بی ایمانی جا، خُدا واده ی شک نُکود، بلکی ایمانِ درون قوی بُبوست، خُدای جلال بده. ٢١ اوْن حتم داشتی کی خُدا تانه به خو واده عمل بُکونه. ٢٢ آنه واسی، «اوین ایمان اوین ره صالحی بحساب بامو.» ٢٣ ولی آ گبان «اوین ره بحساب بامو»، فقط ابراهیم ره بینویشته بُبوسته ٢٤ بلکی اُمره نم بینویشته بُبوست، تا اُمره نم بحساب بایه، امان کی اوْن ایمان دَریم کی اُمی خُداوند عیسی مردنان جا زنده بُکود، ٢٥ اوْن کی اُمی گُناخان واسی، مرگ تسلیم ببوست و اُمی صالح بوستن واسی، مردنان جا زنده بُبوست.

خُدا اُمرا صلح کُودن ایمان راه جا

٥ پس چونکی ایمان راه جا صالح بحساب باموئیم، بواسطه ی اُمی خُداوند عیسی مسیح، خُدا اُمرا صلح دَریم. ٢ امان بواسطه ی اوْن و ایمان راه جا، و اُ فیضی کی هَسا اوین درون پابرجائیم، بدس باوردیم و خُدا جلال امید درون ذوق کونیم. ٣ نه فقط آن، بلکی سختی ٦٨ ثان درونم ذوق کونیم، چره کی دانیم اُ سختی

مَرَدَن گناہ واسی زندگی خُدا واسی

۶ پس چی بیگیم؟ هُطو گناہ بکونیم تا فیض زیادَ به؟^۲ هرگس! امان کی گناہ واسی بمردیم، چُطو تانیم بازم اونِ درون زندگی بُکونیم؟^۳ مگہ نانیدی امان همتان کی مسیح عیسی درون غسل تعمید بیگیتیم، اونِ مرگ درون تعمید بیگیتیم؟^۴ پس تعمید گِفتنِ امرا مرگ درون، اونِ امرا دفن بُوستیم تا هُطوکی مسیح، پَرِ جلالِ امرا مُردہ ئانِ جا زنده بُبوست، امانم ایتا تازہ زندگی درون قدم اوسانیم.

^۵ پس آگہ مرگِ درون کی اونِ مرگ مانستن، اونِ مرا ایتا بُبوستہ ایم، حتی زنده بوستنِ درونم اون زنده بوستن مانستن، اونِ امرا ایتا خوائیم بوستن.^۶ چونکی دانیم اُ آدمی کی قدیمان بیم، اونِ امرا مصلوب بُبوست تا تنِ گناہ، از بین بشہ و دِہ گناہ نوکر نیبیم.^۷ چون اونِ کی بمرده، گناہ جا آزادَ بوستہ.

^۸ هسّا آگہ مسیح امرا بمردیم، ایمان دَریم کی اونِ امرا زندگی تَم کونیم.^۹ امان دانیم، مسیح مُردہ ئانِ جا زنده بُبوست، دِہ هرگس نخوائہ مَرَدَن و دِہ مرگ اونِ سر قدرت ناره.^{۱۰} چونکی اونِ خو مَرَدَن امرا گناہ واسی، ایبار همیشه رہ بمرد و زندگی کی اون، زندگی کونہ خُدا رہ زندگی کونہ.

^{۱۱} پس شُمانم بایستی شمرّا گناہ واسی بمرده بدانید، و مسیح عیسی درون خُدا واسی، زنده.

کی اوشانِ گناہ آدمِ نافرمانی مانستن بُبو، آدم، نُمونہ اُ کسی بو کی بایسی بامو بی.

^{۱۵} ولی پیشکش، گناہ مانستن نیہ. چونکی آگہ ایتا آدمِ گناہ واسی خَلیان بمردید، چنقدَر ویشتر خُدا فیض و پیشکشی کی بواسطہ ی ایتا آدمِ فیض، یعنی عیسی مسیح فراهم بامو، به فراوانی نصیبِ خَلیان بُبوست.^{۱۶} و آ پیشکش، اُ آدمِ گناہ نتیجہ مانستن نیئہ. چون اُ گناہ دُمبالسر داوری بامو و محکومیتِ باورد؛ ولی خَلی گناٹان دُمبالسر پیشکش بامو و صالح بوستنِ خو امرا باورد.^{۱۷} چونکی آگہ ایتا آدمِ گناہ واسی، مرگ بواسطہ ی اُ آدمِ حکومت بُکود، چنقدَر ویشتر اوشانی کی خُدا بی اندازہ فیض و صالحی پیشکش فیکِفتہ اید، بواسطہ اُ آدم، یعنی عیسی مسیح، زندگی درون حُکومت خوائید کُودن.

^{۱۸} پس هُطوکی ایتا گناہ باعثِ ببوست کی تمان آدمان محکوم ببید، ایتا عملِ صالحَم باعثِ صالح بحسابِ آمون و زندگی، تمان آدمان رہ به.^{۱۹} چون هُطوکی ایتا آدمِ گناہ امرہ، خَلیان گناکار بُبوستید، ایتا آدمِ اطاعتِ مَرا خَلیان صالح خوائید بوستن.

^{۲۰} هسّا، شریعتِ بامو تا گناہ زیادَ به؛ ولی اويا کی گناہ زیادَ بوست، فیضِ بی حد و حساب زیادَ بوست.^{۲۱} تا هُطوکی گناہ مرگ درون حکومت بُکود، فیضِ تَم بواسطہ صالحی حکومت بُکونہ کی بواسطہ ی اُمی خُداوند عیسی مسیح، ابدی زندگی فارسه.

ابدی زندگی فارسیہ۔^{۲۳} چونکی گناہ مُزد مرگ، ولی خُدا پیشکش، ابدی زندگی آمی خُداوند درون، مسیح عیسی ایسہ۔

شریعت جا آزاد بوستن

ای براران، مگہ نانیدی۔ چونکی اوشانِ امرا **۷** گب زئندرم کی شریعت دانیدی۔ فقط تا اُ موقع کی آدم زندہ ی شریعت اون سر حکومت کونہ؟^۲ چونکی بنا بہ شریعت، ایتا زنا ی کی مرد دَرہ تا اُ موقع کی اونِ مردای زندہ ی، اون وابستہ ی۔ ولی آگہ اونِ مردای بیمیرہ، اُ زن، شرعا دہ اون جا آزادہ بہ۔^۳ پس آگہ اُ موقع کی اونِ مرد زندہ ی، ایتا دیگر مرداکِ مرا بہہ، زینا کار۔ ولی آگہ اونِ مردای بیمیرہ، اُ شریعت جا آزادہ، و آگہ ایتا دیگر مرداکِ امرا عروسی بُکونہ، زیناکار نہہ۔

^۴ آنہ واسی، ای می براران، شُمانم بواسطہ ی مسیح تن شریعتِ واسی بمردید تا اینفر دیگر مرہ وُصلت بُکونید، یعنی اونِ امرا کی مردانِ جا زندہ بُبوست، تا خُدا رہ ثمر باوریم۔^۵ چون اُ زما ت کی امان جسم درون زندگی کودیم، آمی هوا و هوس کی گناہ جا پُر بو، و بواسطہ شریعت بیدار بُبوستہ بو، آمی اوسم و اعضا درون کار کودی تا مرگِ رہ ثمر باوریم۔^۶ ولی ہسا امان شریعت جا آزاد بوستیم و اونچی واسی کی اونِ گرفتار بیم بمردید، تا روح القدس امرا ایتا تازہ راہ درون خیدمت بکونیم نہ قدیم راہ، کی ایتا بینیویشتہ ویشتر نہہ۔

شریعت و گناہ

^۷ پس چی بیگیم؟ مگہ شریعت گناہ ایسہ؟ ہرگس! با اُحال آگہ شریعت بُبو، نانسیم کی گناہ چیسہ۔ چونکی آگہ شریعت نُگفتہ بو «طمع نُکون»، نانسیم کی طمع کودن چیسہ۔

^{۱۲} پس وائلانید گناہ شیمی تن درون کی از بین شہ حکم بکونہ، تا اون خواستہ ئان جا اطاعت بُکونید۔^{۱۳} شیمی اوسم و اعضائِ گناہ دس فَندید تا نادرستی اسبابِ بَید، بلکی اوشانِ مانستن کی مردِ جا زندگی واگردستید، شمر اُ خُدا دس فدید تا شیمی اوسم و اعضا خُدا دس درون راستی اسبابِ بَید۔^{۱۴} چونکی گناہ شیمی سر حکم نکونہ، چرہ کی شریعت جیر نئسائید بلکی فیض جیر ایسائید۔

صالحی نوکران

^{۱۵} پس چی بیگیم؟ گناہ بُکونیم چونکی شریعت جیر نئسائیم بلکی فیض جیر ایسائیم؟ ہرگس! ^{۱۶} مگہ نانیدی آگہ شمر اُ نوکران مانستن کی اطاعت کونیدی، اینفر دس فدید، اُ آدم نوکران خوائید بوستن کی اونِ جا اطاعت کونیدی، چی گناہ نوکر، کی مردن ختم بہ، چی خُدا اطاعت نوکر، کی صالحی فارسیہ؟^{۱۷} ولی خُدا ی شکر، شُمان کی پیشتر گناہ نوکران بید، ہسا تمان دیل امرا اُ تعلیم جا اطاعت کونیدی کی خُدا شمر اُ فدہ۔^{۱۸} و شُمان آزاد بوستن امرا گناہ جا، صالحی نوکران بُبوستید۔

^{۱۹} من آدم زبانِ امرا شیمی امرا گب زئندرم چون آدمید و شیمی جسم ضعیف۔ چون هُطوکی پیشتر شیمی اوسم و اعضائِ نوکر مانستن ناپاکی و بی قانونی دس کی روز بہ روز بیشتر بہ واسپارید، پس ہسا اوشانِ صالحی نوکر دس واسپارید کی قدوسیّت ختم بہ۔^{۲۰} اُ زما ت کی گناہ نوکران بید، صالحی جا آزاد بید۔^{۲۱} پس اُ موقع، اُ کارانی جا کی الان اوشانِ جا شرمندہ ایسید، چی سودی ببردید؟ چونکی اُ کارانِ عاقبت مرگ ایسہ!^{۲۲} ولی ہسا کی شُمان گناہ جا آزاد بوستید و خُدا نوکران بوستید؛ اونِ ثمرہ شمر اُ تقدیش بوستن ایسہ کی سرآخر

۲۱ پس آ قانون فہم کی وقتی خوائم خُبی بُکونم، بدی، دس فارس نئہ۔ ۲۲ چونکی من می باطن درون خُدا شریعت جا کیف کوئم، ۲۳ ولی ایتا دہ قانون می اوسم وعضا درون دینم کی اُ شریعت آمرا کی می عقل اون قُبیل کونہ، دعوائی درہ و مرہ گناہ شریعت اسیر چاکونہ، کی می اوسم و اعضا درون نئہ۔ ۲۴ وای کی چی آدم سیاہ بختی ایسم! کیسہ کی مرہ آمردہ تِن جا آزاد کونہ؟ ۲۵ خُدا ی شکر بواسطہ ی آمی خُداوند عیسی مسیح!

پس من می عقل آمرا خُدا شریعت نوکری کونم، ولی می جسم مرا، گناہ شریعت نوکر ایسم۔

خُدا روح درون زیندگی کودن

۸ پس ہسا اوشان رہ کی مسیح عیسی درونید، دہ ہی محکومیتی نئہ، ۲ چون شریعتی کی زیندگی روح ایسہ مسیح عیسی درون، شمر اُ گناہ شریعت و مرگ جا آزاد کودہ۔ ۳ چونکی شریعت اوچی، آنہ واسی کی آدمی جسم ضعیف ایسہ، نتانستی انجام بدہ، خُدا انجام بدہ۔ اون، خو پسر ایتا گناہ کار جسم مانستن اوسہ کود تا 'گناہ قربانی' بہ، و اُطوی جسم درون، گناہ محکوم بُکود۔ ۴ تا اُ دُرست چپانی کی شریعت خواہ، آمی درون انجام بہ، آمی درون کی مطابق خُدا روح زیندگی کونیم نہ مطابق جسم۔

۵ اوشانی کی جسمانی ایسید، خوشان فکر اُ چی سر نیئیدی کی، جسم جا ایسہ، ولی اوشانی کی خُدا رُوح دریدی، خوشان فکر اُ چی سر نیئیدی کی رُوح جا آیہ۔ ۱ چون اُ آدم کی خو فکر اُ چپان رہ کی جسمانی ایسہ نئہ، مرگ، ولی اُ فکری کی خُدا روح دُمبال ایسہ، زیندگی

۸ ولی گناہ بواسطہ ی شریعت حکم فرصت بیافت کی ہر جور طمع می درون بہ وجود باورہ۔ چونکی جدا جہ شریعت، گناہ بمرده یہ۔ ۹ من یہ موقع جدا جہ شریعت زندہ بوم؛ ولی وقتی کی شریعت حُکم بامو، گناہ زندہ بُبوست و من بمردم۔ ۱۰ ہو حُکم کی زیندگی وادہ ی فذئی، می مرگ باعث ببوست۔ ۱۱ چونکی گناہ، بواسطہ ی شریعت حُکم فرصت بیافت، مرہ گول بزه و بواسطہ ی اون مرہ بُکوشت۔ ۱۲ پس، شریعت مُقدسہ و شریعت حُکم مُقدس، دُرست و خُب۔

۱۳ پس مگہ اونچی کی خُب بو مرہ مرگ باعث ببوست؟ ہرگس! بلکی گناہ بواسطہ ی اونچی کی خُب بو، مرگ می درون بہ وجود باورد تا اُطوی معلوم بہہ کی گناہ، گناہ ایسہ و بواسطہ ی شریعت حُکم، معلوم بہہ کی گناہ پلیدی چنقدر بی حد و حساب۔

۱۴ چون امان دانیم کی شریعت، روحانی ایسہ ولی من جسمانی آدم ایسم و ایتا نوکر مانستن گناہ بُفروختہ بُبوستم۔ ۱۵ چرہ کی من نانم چی کودن دَرَم۔ چون اونچی کہ خوائم نُکونم، بلکی اونچی کی اوِن جا بیزارم کودن دَرَم۔ ۱۶ ہسا اگہ اونچی کی نخوائم کونم، پس قُبیل کونم کی شریعت خُب۔ ۱۷ پس اُطوی، دہ من نِیم کی اُ کار کونم، بلکی اُ گناہ ایسہ کی می درون نئہ۔ ۱۸ چون دائم کی می درون، یعنی می جسم درون، ہی خُبی نئہ۔ چونکی خوائم اونچی کی دُرست بُکونم، ولی نتانم اون انجام بدم۔ ۱۹ چون اُ خُب کار کی خوائم، نُکونم، بلکی اُ بَد کار کی نخوائم، هُطو کودن دَرَم۔ ۲۰ ہسا اگہ اُ کاری کی نخوائم بکونم، کونم دہ اون من نِیم کی اُ کار کونہ، بلکی اُ گناہ ایسہ کی می درون نئہ۔

آیندہ جلال

۱۸ من آطو دیتم کی، آ دُنیا عذاب تان اُ جلالِ اَمرا کی اُمی درون آشکار خوائے بوستن، نیبہ مقایسہ کُودن۔ ۱۹ چونکی خلقت تمانِ ذوقِ اَمرا خُدا پسرانِ ظاہر بوستنِ رافا ایسہ۔ ۲۰ چونکی خلقت خورہ باطل کُود، نہ بہ خو خواستہ، بلکی بہ خواستہ یہ اونکی اوئے تسلیم بُکُود، اُ اُمیدِ اَمرا کی ۲۱ خود خلقت تَم فسادِ نوکری جا آزاد خوائے بوستن و خُدا زاکانِ پر جلالِ آزادی درون سام خوائے داشتن۔

۲۲ چونکی اَمان دانیمی کی تمان خلقت تا ہسا جہ ایتا درد کی زایمانِ درد مانستن ایسہ، نالہ۔ ۲۳ و نہ فقط خلقت، بلکی اَمان خودمان کی خُدا روحِ نوبرِ دریم، اُمی درون، نالیبی، اوجور کی ذوقِ اَمرا پسرانِ مقامِ درون، فرزندِ خواندگیِ رافائیم، یعنی اُمی تن تانِ رھایی۔ ۲۴ چونکی ہہ اُمیدِ درونِ نجات بیگیتیم۔ ہسا اُمیدی کی بیدہ بہ، دہ اُمیدِ نیئہ۔ چونکی چُطو اینفر تانہ ایچے کی دینہ اُمیدِ دودہ؟ ۲۵ ولی اگہ ایچے کی ہنو نیدہ ایم اُمیدِ دوستیم، صبرِ مرا اوئے رافا ایسیم۔

۲۶ اَطوئم خُدا روحِ اُمی ضعفِ درونِ اُمی کمک رہ آیہ، چونکی نانیم چُطو بابسی دُعا بُکُونیم۔ ولی خُدا روح، عمیقِ نالہ ثانی اَمرہ کی نشہ گفتن، اُمی شفاعتِ کونہ۔ ۲۷ و اون کی دیلانِ واموجہ، روحِ فکرِ ذنہ، چونکی روح، مطابق خُدا خواستہ مُقدسین رہ شفاعت کونہ۔

۲۸ و دانیمی کی در حقِ اوشانی کی خُدایِ دوستِ دَریدی و مطابق اون خواستہ دوخوادہ بُبوستید، ہمہ چی اوشانِ خیریت رہ کار

و سلامتیہ۔ ۷ چونکی اُ آدم کی خو فکرِ جسم سر نئہ خُدا مرہ دُشمندی کونہ، چرہ کی خُدا شریعت جا فرمانِ نبرہ، و نتانہ تَم بیرہ، ۸ اوشانی کی جسمِ اوشانِ رہ حُکم کونہ، نتانیدی خُدایِ راضی بُکُونید۔

۹ ولی جسمِ شمرا حُکم نُکونہ، بلکی خُدا روح کی حُکم کُودنِ درہ، البت اگہ خُدا روحِ شیمی درون بُسا۔ کسی کی مسیحِ روخِ ندرہ، اون مسیحِ شینِ نیہ۔ ۱۰ ولی اگہ مسیحِ شیمی درون ایسا، ہرچن شیمی تن گناہ واسی بمرده یہ، ولی چونکی صالح بحساب باموئید، خُدا روحِ شمرا، زیندگی ایسہ۔ ۱۱ اگہ روحی کی عیسیٰ مردنانِ جا زندہ بُکُود شیمی درون بمانہ، اوئی کی مسیحِ عیسیٰ مردنانِ جا زندہ بُکُود، بواسطہ خودش روح کی شیمی درون نئہ، شیمی مُردنی بَدناتَم زیندگی دئہ۔

۱۲ پس ای براران، اَمانِ مدیونیم، ولی نہ جسمِ مدیون، تا مطابق جسمِ زیندگی بُکُونیم۔ ۱۳ چون اگہ مطابق جسمِ زیندگی بُکُونید، خوائدِ مُردن، ولی اگہ خُدا روحِ امرا، کارانی کی تن کونہ بُکُوشید، زیندگی خوائدِ کُودن۔ ۱۴ چون اوشانی کی خُدا روحِ اوشانِ راہنما ایسہ، خُدا پسرانِ ایسید۔ ۱۵ چرہ کی شُمانِ نوکریِ روخِ بَدسِ ناوردید تا بارَم بترسید، بلکی شُمانِ پسرانِ مقامِ درونِ فرزندِ خواندگیِ روخِ بَدسِ باوردید، کی بواسطہ ی اون دادِ زینم: «می پئر، آقا جان۔» ۱۶ خُدا روحِ خودش، اُمی روحِ امرا، گوائی دئہ کی اَمان خُدا زاکانیم۔ ۱۷ اگہ خُدا زاکانیم، پس وارثانم ایسیم، یعنی خُدا وارثان و مسیحِ اَمرا ارثِ درونِ شَریکیم۔ بہ شرطی کہ اَمانم اون اَمرا عذابِ بکُشیم، تا اَمانم اون اَمرا جلالِ پیدا بُکُونیم۔

ننانہ امرا خدا محبت جا کی آمی خداوند مسیح عیسی درون ننه، سیوا بکونه.

خدا انتخاب بپوسته مردوم

۹ من مسیح درون راست گم، دوروغ نگم، و می وجدان بواسطه ی روح القدوس مره گوائی دته کی ۲ می دیل درون ایتا پیلہ غم درم و دائم غرصہ درم. ۳ چونکی کاشکی من می برارن راه درون، اوشانی کی می نژاد ایسید، لعنت بيم و مسیح جا سیوا بيم. ۴ اوشان اسرائیلی ایسید و فرزند خواندگی، جلال، عهدنان، شریعت اوشان فده بپوسته، پرستش و واده ثان، تمان آشان اوشان شین ایسه، ۵ و پیلہ پترانم آشان شین ایسید، و مسیح مطابق جسم آشان نسل جا ایسه، خدای کی همتان جا بجورتر ایسه، اون تا به ابد سپاس. آمین.

۱ ولی، منظور آن نیته کی خدا کلام به انجام فانرسه، چونکی تمان اوشانی کی اسرائیل مردوم جا ایسید، راس راسی اسرائیلی نیئید؛ ۷ و تمان اوشانیم کی ابراهیم نسل جا ایسید، اون زاکان بحساب نیئید. بلکی تورات درون بینویشته بپوسته کی: «تی نسل اسحاق جا دوخواده خواہ بوستن.»

۸ یعنی، زاکانی کی مطابق جسم بوجود باموئید خدا زاکان نیئیدی، بلکی ابراهیم نسل، واده زاکان بحساب آئیدی. ۹ چون اونچی کی ا واده بگفت، آن بو کی: «سال دیگہ هه موقع وگردم و سارا ایتا پسر صاحب به.»

۱۰ نه فقط آن، بلکی ریکا زاکانم اینفر جا، یعنی آمی جد اسحاق بید. ۱۱ هرچن پیش جه آنکی اوشان بدنیا بائید، و بد یا حُب کار بکونید- آنه واسی کی خدا هدف خو انتخاب درون پابرجا بمانه، نه کاران واسی،

کودن دریدی. ۲۹ چون اوشانی کی خدا پیشتر بشناخت، اوشانم پیشتر، معین بکود تا اون پسر مانستن ببید، تا اطلوی مسیح، زیاد براران میان اولتا زای بیه. ۳۰ و اوشانی کی پیشتر تعیین بکوده بو نم، دوخوا؛ و اوشانی کی دوخوا، صالح بحساب باورد، و اوشانی کی صالح بحساب باورده نم، جلال فده.

۳۱ پس تمان آ چیان باره چی شه گفتن؟ آگہ خدا آمی امرا ایسه، کیه کی بتانه آمی ضد بیه؟ ۳۲ اون کی خو پسر مضاقا نکود، بلکی اون امان همتان واسی فدا بکود، چطو اون مره همه چی امرا دس و دل بازی مرا نخواہ فدن؟ ۳۳ کیسه کی خدا انتخاب بپوسته ثان بھتان بزنه؟ خدایه کی اوشان صالح بحساب آورہ! ۳۴ کیسه کی اوشان محکوم بکونه؟ مسیح عیسی کی بمرد- جه اون ویشتر مرده ثان جا زنده بپوست- و خدا راست دس ور بینیش، اونہ کی راس راسی امره شفاعت کونه! ۳۵ کیسه کی امره مسیح محبت جا سیوا بکونه؟ مصیبت یا پریشانی، جفا، قحطی، لختی، خطر یا شمشیر؟ ۳۶ هطوکی مزبور کتاب درون بینویشته بپوسته:

«آمان، تمان تی خاطری مردن

ره شیم؛

و گوسفندان مانستن کی کوشتر ره

حاضر بید بحساب آییم.»

۳۷ نه، تمان آ کاران درون امان ستر جه اوشانی ایسیم کی پیروزید، بواسطه ی اون کی امرا محبت بکود. ۳۸ چونکی حتم درم کی نه مرگ و نه زیندگی، نه فیریشته ثان و نه پیلہ تران، نه ا چیان کی الان ننه و نه ا چیان کی آینده ننه، نه هی قدرتی، ۳۹ نه بلندی و نه پستی، و نه ده هیچی کی تمان خلقت میان ننه،

یہودیّان، بلکی جغیر یہودیّانم ھطو. ۲۵ ھطوکی
ھوشع پیغمبر گہ:

«اوشان کی می مردم نیبید 'می مردم'
خوائم دوخوآدن،
و اُگس کی می عزیز نُبوئی، 'می عزیز'
دوخوائم.»

۲۶

«و اُ جایی کی اُشان بُگفته بُبوست:
"شُمان می مردم نیئید،"
ھو جا کی 'خُدا ی زندہ پسران' دوخواده
خوائید بوستن.»

۲۷ و اِشعیای پیغمبر اسرائیل مردم بارہ گہ
کی: «حتی اگہ اسرائیل مردم دریا فروش اندر
بہ، فقط ایچہ جہ اوشان نجات خوائید
گفتن. ۲۸ چونکی خُداوند خو کلامِ تمان و
کمال و بی معطلی زمین سر انجام دئہ.» ۲۹ و
ھطوکی اشعیای پیغمبر پیشگوئی بُکود:
«اگہ خُداوند لشگران آمرہ نسلی نئہ بو،
سُدم و عَموزہ شار مانستن بوستیم.»

اسرائیل مردم بی ایمانی

۳۰ پس چی بیگیم؟ غیر یہودیّانی کی صالحی
دُمبال نیبید، اون بدست باوردید، یعنی اُ
صالحی کی ایمان جا بدست آہ؛ ۳۱ ولی
اسرائیل مردم کی اُ شریعت دُمبال بید کی
اوشان بہ صالحی فارسانہ ئی، اون بدست
ناوردید. ۳۲ چرہ؟ چونکی نہ ایمان امرا، بلکی
اعمال امرا اون دُمبال بید. اُ سَنگی کی
تاش دئہ، باعث بُبوستہ کی اوشان تاش
بُخورد. ۳۳ ھطوکی اشعیای پیغمبر کتاب
درون بینویشتہ بُبوستہ:

«بیدین، صہیون درون سنگی نئم کی تاش
خوردن باعث بہ،
و صخرہای کی گفتن باعث بہ؛

بلکی بواسطہ ی اون کی دوخوانہ- ۱۲ ریکائی
بُگفته بُبوستہ کی «پیلہ تر کوجہ ترہ خدمت
خواہہ کودن.» ۱۳ ھطوکی ملاکی پیغمبر کتاب
درون بینویشتہ بُبوستہ: «یعقوب دوست
داشتم، ولی عیسو جا خفت.»

۱۴ پس امان چی بیگیم؟ بیگیم خُدا بی
انصافہ؟ ھرگس! ۱۵ چونکی موسی گہ:
«ھرکس رحم بُکونم رحم خوائم کودن،
و دیلسوجی کونم ھرکی کی می دیل اون
رہ سوچہ.»

۱۶ پس ربطی بہ آدمی خواستہ یا اون تَقلا
کودن نارہ؛ بلکی خُدائی ربط دَرہ کی رحم کونہ.
۱۷ چونکی تورات درون، خُدا فرعون گہ: «من،
اُ ھدف واسی، ترہ بہ قدرت فارسایم تا می
قدرت تی درون نمایان بُکونم و تا می نام،
سرتاسر زمین درون اعلام بہہ.» ۱۸ پس خُدا
ھرکس کی بخوائہ رحم کونہ و ھرکس کی
بخوائہ سنگدل کونہ.

۱۹ بازین مَرہ خوائی گفتن: «پس دہ چرہ آمرہ
سرزنش کونہ؟ چون کیسہ کی بتانہ خُدا ارادہ
جُلُو بُسہ؟» ۲۰ ولی آی آدم تو کیسی کی خُدا
مرا توکو برا کونی؟ «مگہ بساختہ بُبوستہ تانہ
خو سازندہ ئی بگہ چرہ مَرہ اطو بساختی؟»
۲۱ مگہ کوزہ گر اختیار نارہ ایتا گل گودہ آمرہ،
ایتا ظرف، مہم کاران واسی و ایتا دہ ظرف اُ
کاران رہ کی مہم نیئہ بسازہ؟

۲۲ چی شہ گفتن اگہ خُدا با آنکی خواہہ
خو غَضَب نشان بدہ و خو قوت بشناسانہ،
ظرفانی کی اوشان سر غَضَب بُکودہ ئی کی
ھلاکت رہ حاضر بُبوستید صبر زیاد امرا
تحمّل بُکونہ، ۲۳ تا خو پیلہ جلال اُ ظرفان سر
کی اوشان رحم بُکودہ نمایان بُکونہ، ظرفانی کی
پیشتر جلال رہ حاضر کودہ- ۲۴ حتی امانم کی
اون جا دوخواہہ بُبوستہ ایم، دَربر گیرہ نہ فقط

ہرکس کی، اون ایمان باورہ،
شرمندہ نیبہ.»

۱۰ ای براران، می دُعا و می دلی ناجی
خُدا ورجا، یہودیان رہ آنہ کی نجات
بیابید۔^۲ چونکی من تانم آشان بارہ گوائی بدم
کی خُدا واسی غیرت دَریدی، ولی نہ دانایِ امرا۔
۳ چون اُ صالحی واسی کی خُدا جا ایسہ ی
نفہمستید، و ہنہ واسی کی خوشان صالحی
ثابت کودن دُمبال بید، اُ صالحی جلو کی خُدا
جای، خوشان سر بجیر ناوردید۔^۴ چون مسیح
آخر شریعتِ تا ہر کسی اون ایمان باورہ،
صالح بحساب بایہ۔

۵ چونکی موسی اُ صالحی بارہ کہ شریعتِ
سر بنا ایسہ اُطوی نیویسہ کی: «اُ گس کی اُ
حُکمان عمل بُکونہ، بواسطہ ی اوشان زیندگی
خوائہ داشتن.»^۶ ولی اُ صالحی کی ایمان سر
بنا ایسہ گہ: «تِ دلی میان نگو» کیسہ کی
آسمان بُجور بشہ؟» - تا مسیح بجیر باورہ۔
۷ یا «کیسہ کی مردٹان دُنیا درون بشہ؟»۔

تا مسیح مردٹان جا زندہ بُکونہ۔^۸ ولی اون، چی
گہ؟ آنکی «اُ کلام تِ نزدیک، تِ دھن درون،
و تِ دیل درون.» آن ہو ایمان کلام ایسہ کی
آمان اعلام کونیم؟^۹ کی اگہ تِ زوانِ امرا اعتراف
بُکونی «عیسی خُداوند» و تِ دیل درون ایمان
پداری کی خُدا اون مردٹان جا زندہ بُکودہ،
نجات خوائی گیفتن۔^{۱۰} چون دیل درون کی
آدم ایمان آورہ و صالح بحساب آیہ، و زوانِ
امرا ایسہ کی اعتراف کونہ و نجات گیرہ۔
۱۱ هُطوکی اشعیای پیغمبر کتاب گہ: «ہرکس
اون ایمان باورہ، شرمندہ نیبہ.»^{۱۲} چون یہود

و یونانی فرق نُکونہ، چرہ کی ہو خُداوند،
ہمتان خُداوند ایسہ و تمان اوشانی کی اون
دوخوانیدی، برکتِ فراون دتہ۔^{۱۳} چون «ہرکی
خُداوند نام دوخوانہ، نجات خوائہ گیفتن.»

۱۴ پس چُطو اینفرہ دوخوانید کی اون
ایمان ناوردید؟ و چُطو اینفرہ ایمان باورید
کی اون بارہ ہرگس نیشتاوستیدی؟ و چُطو
بیشتاوید، اگہ اینفر اوشان رہ موعظہ نُکونہ؟
۱۵ و چُطو موعظہ بُکونید، اگہ روانہ نیبید؟
هُطوکی اشعیای پیغمبر کتاب درون بینیویشہ
بُوستہ: «اوشان لنگان کی انجیل حُبِ خبر
موعظہ کونیدی، چی قشنک.»

۱۶ ولی اوشان ہمتان انجیل فُبیل نُکودیدی،
چونکی اشعیای پیغمبر کتاب درون گہ: «ای
خُداوند، کیہ کی آمی پیغام واور بُکودہ؟»
۱۷ پس ایمان، پیغام ایشتاوستن جا آیہ و پیغام
ایشتاوستن، مسیح کلام راہ جا آیہ۔
۱۸ ولی واورسم: مگہ نیشتاوستید؟ البت کہ
بیشتاوستید:

«آشان صدا سرتاسر زمین درون
بپیچستہ،

و آشان کلام آ سر دُنیا تا اُ سر
دُنیا فارسہ.»

۱۹ ولی واورسم: مگہ اسرائیل مردوم اونچِ
کی بیشتاوست، نفہمست؟ اول، موسی گہ:
«بواسطہ اوشان کی مردوم بہ
حساب نئیدی،

شیمی غیرت ویریزانم؛

و نادانِ مردوم خاطری

شیمی غیظ ویریزانم.»

و چومانی کی نتانید بیدینید
و گوشانی کی نتانید بیشتاوید۔»

۹ و داوود پادشاہ گہ:
«آشانِ سفرہ آشانِ رہ دام و تلہ ببہ،
سنگی کی اوشانِ زمین زنہ و آشانِ رہ
مکافات ببہ؛

۱۰ آشانِ چومان تار ببہ تا نتانید بیدینید،
و آشانِ گمران ہمیشک فچمستہ بمانہ۔»
۱۱ پس واورسم: یعنی اوشان تاش بُخوردد تا
ہمیشک بگفد؟ ہرگس! بلکی اوشانِ نافرمانی
آمر، جغیر یہودیانِ نجاتِ بیگفتید، تا اسرائیل
مردوم میان غیرت بوجود بابہ۔ ۱۲ ولی آگہ
اوشانِ تقصیراتِ دُنیاۓ ثروتمند بُکود و آشانِ
دباختن جغیر یہودیانِ ثروتمند بُکود، پس وقتی
کی یہود مردوم کاملا نجات بیابید چنقد ویشتر
فراوانی باعث بہ!

۱۳ ہسّا، سُمان جغیر یہودیانِ آمارا گب زَن
درم۔ جہ اوایا کی من جغیر یہودیانِ رسول ایسم،
می خیدمت رہ خلی افتخار کونم، ۱۴ اُمید
آمارا کی می ہم نژادانِ غیرتی بُکونم و بعضی
جہ اوشانِ نجات بدم۔ ۱۵ چونکی آگہ، آشانِ رَد
بوستن معنی، خُدا آشتی دُنیا امرا ایسہ، آشانِ
قُبیل بوستن چی معنی خواثہ داشتن، جغیر
مردئانِ جا زندہ بوستن؟ ۱۶ آگہ ای پلک خمیر
جا کی نوبری واسی خُدا رہ پیشکش بہ، مُقدس
ببہ، پس اَطوپی تمانِ اُخمیر مُقدس ایسہ؛ و
آگہ بَنّہ مُقدس ببہ، پس خالانم مُقدس ایسید۔
۱۷ ولی آگہ بعضی جہ خالان واوہ بُبوستید
و تو کی واحشی زیتونِ خال بی، الباقی خالانِ
آمارا زیتون دار پپوند بُخوردی و ہسّا زیتون
دار بَنّہ شیرہ جا کی مقوی خوری، ۱۸ اُخالانِ
واسی گلاز نُکون۔ آگہ اَطو کونی، تی یاد جا
نبر کی تو نیئی کی بَنّہ ی دَری، بلکی بَنّہ ترہ

۲۰ بازون، اِشعیا پیغمبر جرأتِ آمارا گہ:
«اوشانی کی می دُمال نگرِ دستہ بید، مَرہ
پیدا بُکودید؛

و خودمِ اوشانی رہ کی مَرہ دونخواندہ
بید، نیشان بدم۔»
۲۱ ولی اسرائیل مردوم بارہ گہ:
«تمانِ روح می دسانِ
مردومی کج رو و سرکش سمت
درازِ کودم۔»

اسرائیل باقیماندہ ثان

۱۱ پس واورسم: مگہ خُدا خو مردمِ رَد
بُکودہ؟ ہرگس! چونکی من خودم
اسرائیلِ شِیم، ابراہیم نسل جا و بنیامین
طایفہ۔ ۲ خُدا خو مردم کی پیشتر سیوا بُکودہ
بو، رَد نُکودہ۔ مگہ نانیدی مُقدس بینویشتہ
ثان ایلیا پیغمبر بارہ چی گہ؟ کی اون چُطو
اسرائیلِ مردمِ ضد، خُدا ورجا گیلگی بُکود
و بُگفت؟ ۳ «خُداوندا، آشان تی پیغمبرانِ
بُکوشتید و تی قربانگانِ ویرانِ کودید۔ فقط
من بمانستم و ہسّا خوائیدی مَرَم بُکوشید۔»
۴ ولی خُدا اون چی جواب بدہ؟ آنکی «من مَرہ
ہفت ہزار نفرِ کنارِ بنم کی بَعْلِ بُتِ جُلُو زانو
نَزید۔» ۵ جہ آرو، ہہ الانم الباقی ثانی ایسانید
کی خُدا فیضِ راہ جا انتخاب بُبوستید۔ ۶ ولی
آگہ فیضِ راہ جا ببہ، دہ اعمالِ واسی نیئہ؛ وِئلا
فیضِ دہ فیضِ نیئہ۔ ولی آگہ اعمالِ راہ جا ببہ،
دہ فیضِ واسی نیئہ؛ وِئلا عملِ دہ عملِ نیئہ۔
۷ بعد چی؟ آنکی، اونچی کی اسرائیلِ مردوم
ذوق و شوقِ آمارا، اونِ گیفتنِ دُمال بو، بَدَس
ناورد، انتخابِ بُبوستہ ثانِ بَدَس باوردید، ولی
الباقی سختِ دِلی دُچارِ بوستید، ۸ ہُطوکی
مُقدس کتابانِ درون بینویشتہ بُبوستہ:
«تا ایمر و خُدا سُسِتِ روح اوشانِ فدہ

خو دعوت و ہدیہ تان پس فانگیرہ۔^{۳۰} دُرست
ھطوکی شُمان زماتی نسبت بہ خُدا نافرمانی
کودیدی، ولی ھسا یہودیان نافرمانی واسی
مورد رحمت خُدا قرار بیگفتید،^{۳۱} پس الان
آشانم نافرمان بُبوستید تا خُدا رحمت واسی
شمرأ، ھسا اوشان رہ نَم رحم بہہ۔^{۳۲} چونکی
خُدا ھمتان نافرمانی، گرفتار بُکودہ، تا ھمتان
رہ رحم بُکونہ۔^{۳۳} وای، کی خُدا دولتمندی و
حکمت و دانایی چنقدہ عمیق!

اون داوری تان نِشہ واموجستن

و اون راتان نِشہ فہمستن۔

^{۳۴} «چون، کیسہ کی خُداوند فیکر بدانہ

یا کی اون مَرہ مشورت بُکودہ؟»

^{۳۵} «کیسہ کی ایچی خُدا بیخشہ بہہ

تا اون پس فدہ بہہ؟»

^{۳۶} چونکی ھمہ چی اون جا ایسہ، و

بواسطہ اون، و اون شین ایسہ۔

تا ابد اون رہ جلال بہہ۔ آمین۔

زندہ قربانی تان

۱۲ پس آی براران، خُدا رحمتان واسی،
شیمی جا خواہش کونم کی شیمی
تن تان خُدا قربانی زندہ مانستن، مُقدس و
خُدا باب دیل تقدیم بُکونید کی شیمی روحانی
عبادت ھنہ۔^۲ و دہ ا دُنیا مانستن نیبید، بلکی
شیمی فکر تازہ بوستن مرا عَوْض بید، ا موقع
تانیدی خُدا ارادہ ی بفہمید، خُدا باب دیل و
کامل ارادہ۔

^۳ چون بواسطہ فیضی کی مَرہ فدہ بُبوستہ،
ھرتا جہ شُمان گم کی خودتان بیشتر جہ اونکی
ایسید، ندانید، بلکی ھرتا ھو ایمانِ اندر کی خُدا
شمرأ ببخشہ، دُرست قضاوت بُکونید۔^۴ چون
ھطوکی تمان آمان ایتا تن ذریمی کی خبلی اعضا
دارہ و تمان آ اعضا وظیفہ یکجور نیہ،^۵ پس

دَرہ۔^{۱۹} شاید بیگی: «خالان واوہ بُبوستید تا
من پیوند یُخورم۔»^{۲۰} راست گی۔ ولی اوشان،
ایمان ناشتی واسی واوہ بُبوستید و تو فقط
تی ایمانِ خاطری ایسائی۔ پس غرور نوا داشتن
بلکی بترس۔^{۲۱} چونکی آگہ خُدا طبعی خالان رہ
رحم نُکود، ترہ ہم رحم نُکونہ۔

^{۲۲} پس خُدا سخت گیری و مہربانی جہ
خاطر نبر: سخت گیری اوشان رہ کی ایمان جا
بکفتید، ولی تی امرا مہربان، البتہ بہ ا شرط کی
اون مہربانی درون ثابت بمانی؛ وِلا توَنم واوہ
بی۔^{۲۳} آگہ اوشانم ایمان ناشتن دُمبالہ ندید،
بازم پیوند خوائید خوردن، چونکی خُدا تانہ
اوشان ایوار دہ پیوند بزہ۔^{۲۴} چونکی آگہ تو
واحشی زیتون دار جا واوہ بُبوستی و بر خلاف
تی طبیعت زیتون دار کی آزادہ، پیوند بُخوردی،
پس چنقد ویشتر اصلی خالان تانیدی ا زیتون
داری کی اون جا واوہ بُبوستید، پیوند بُخورید۔

اسرائیل مردوم نجات راز

^{۲۵} ای براران، نخوائم کی آ راز جا بی خبر
بیبید - نہہ کی خودتان دانا بدنید: کی قسمتی
جہ اسرائیل مردوم سر سخت دیلی حکمفرما
بُبوست، تا اوشان تعداد کی قرار ایسہ جغیر
یہودیان میان مسیح ایمان باورید، کامل بہہ۔
^{۲۶} ا طوپی تمان اسرائیل مردوم نجات خوائید
گیفتن۔ ھطوکی مُقدس بینویشہ تان درون
بینویشہ بُبوستہ:

«صھیون جا اینفر آیہ کی نجات دِئہ،

و بی دینی یعقوب جِد جا خوائہ گیفتن۔

^{۲۷} و می آ عہد آشان امرا خوائہ مانستن

ا زما ت کی آشان گنائان اوساتم۔»

^{۲۸} انجیل بارہ، یہودیان شیمی خاطری
دُشمندید: ولی خُدا انتخاب بارہ، پُتران
خاطری، خُدا رہ عزیزید۔^{۲۹} چونکی خُدا ھرگس

درہ، ہمہ گس امرا صلح و صفا درون زندگی بُکونید۔^{۱۹} آی عزیزان، ہرگس خودتان تقاص نیگیرید، بلکی اَوَن خُدا غَضَبِ واسپارید، چونکی تورات درون بینیویشتہ بُبوستہ «خُداوند گہ: "انتقام میشینہ؛ منم کی سزا خوائم دَن"»۔^{۲۰} برعکس، «اگہ تِ دُشمند ویشتا بہ، اَوَن غذا فدن، و اگہ تشنہ بہ، اَوَن آب فدن۔ اگہ اَطو بُکونی، جوری اَوَن شرمندہ کوئی کی انگار آتش زغالان اَوَن سر نیئی»۔^{۲۱} بَدی تِ سر حریف نہ، بلکی خُبی مرا بَدی سر حریف بُو۔

اطاعت کودن صاب مَنصبان جا

۱۳ ہرکس بایستی صاب مَنصبان جا فرمان بیرہ۔ چونکی ہی صاب مَنصبی نئسا، جغیر خُدا طرف۔ صاب مَنصبانی ہم کی ایسائید، خُدا طرف جا مُعین بُبوستید۔^۲ پس ہرکسی کی صاب مَنصبانِ ضد ویریزہ، ضد اونچی کی خُدا معین بُکودہ ویریشتہ، و اوشانی کی اَطو کونیدی، داوری بیدی۔^۳ چون اوشانی کی دُرست رفتار کونیدی حاکمان جا ترس نارید، ولی خلافاکاران اوشان جا ترسیدی۔ خوائی صاب مَنصبان جا نترسی؟ پس، اونچی کی دُرستہ انجام بدن کی ترہ تحسین خواہ کودن،^۴ چونکی اَوَن تِ خیر واسی خُدا خیدمتکار ایسہ۔ ولی اگہ کار خلاف بُکونی، بترس، چونکی ہَچین شمشیرِ خو کمر سر دَنوستہ۔ اَوَن خُدا خیدمتکار و کسی ایسہ کی خُدا واسی انتقام گیرہ و خُدا غَضَبِ خلاف کارِ سر آورہ۔^۵ پس آدم بایسی نہ فقط خُدا غَضَبِ واسی، بلکی وجدانِ واسی ہم فرمان بیرہ۔

^۶ آنہ واسی تُم شُمان مالیات فادیدی، چونکی صاب مَنصبان، خُدا خیدمتکاران ایسید و آ چیان جا مواظبت کونیدی۔^۷ ہرکس حق اَوَن فادید: اگہ خراج، خراج فادید، اگہ مالیات،

آمانم کی زیادیم، مسیح درون ایتا تن ایسیم و تک بہ تک، ہمدیگر اعضا ایسیم۔^۶ طبق ا فیضی کی اَمرا فَدہ بُبوستہ جورواجور عطایا دَریمی، بائید اوشان بہ کار بیگیریم: اگہ نبوت کودن، اَوَن آمی ایمان اَندر بہ کار بیگیریم؛^۷ اگہ خیدمت کودن، آمی خیدمت درون۔ اَوَن کی تعلیم دئہ، تعلیم بدہ۔^۸ اَوَن کی تشویق کونہ، تشویق بُکونہ۔ اَوَن کی کمک کونہ، دس و دیلبازی مرا، کمک بُکونہ۔ اَوَن کی رہبری کونہ، آ کار غیرت اَمرا انجام بدہ؛ و کسی کی دیگران رہ رحم و مہربانی کونہ، شادی اَمرا آ کار بُکونہ۔

مسیحی نانِ واقعی نیشانہ نان

^۹ محبت بایستی بی ریا بہ۔ بَدی جا دوری بُکونید و اونچی کی خُب، قائم بچسبید۔^{۱۰} برار مانستن ہمدیگر دوست بَدَرید۔ ہمدیگر احترام کودن جا پیش دَگفید۔^{۱۱} ہرگس شیمی غیرت خُدا واسی سست نہ؛ روح درون وَل بیگیرید و خُداوند خیدمت بُکونید۔^{۱۲} اُمید درون شاد بیبید، مُصیبتان درون صبور بیبید، ہمیشک دُعا بُکونید۔^{۱۳} مُقدسین نیازان برطرف کودن درون، سام بَدَرید و مہمان نواز بیبید۔

^{۱۴} برکت بطلبید اوشان رہ کی شمرآ آزار و اذیت کونیدی؛ برکت بطلبید و لعنت نُکونید! ^{۱۵} اوشان اَمرا کی شادی کونیدی، شادی بُکونید، و اوشان اَمرا کی گریہ کودن دَریدی، گریہ بُکونید۔^{۱۶} ہمدیگر اَمرا مُدارا بُکونید۔ مغرور نیبید، بلکی اوشان اَمرا کی سادہ و ضعیف ایسید، شوئن و آمون بُکونید۔ ہرگس شمرآ دانا نیدینید۔

^{۱۷} در جوابِ بَدی ہیگس، بَدی نُکونید، بلکی کارِ بُکونید کی ہمہ گس دید درون حرمت درہ۔^{۱۸} اگہ بہ، تا اويا کی شمرآ ربط

ولی اینفر دیگه کی ضعیف، فقط سبزی خوره.
 ۳ اونکی همه چی خوره نبایستی اونکی نُخوره
 ی کوچیک بُکونه؛ و اونکی همه چی نُخوره،
 نبایستی اونکی همه چی خوره ی، قضاوت
 بُکونه. چونکی خدا اون قُبیل بُکوده دَره. ۴ تو
 کیسی کی اینفر دیگه نوکَر قضاوت کوئی؟ چی
 اون خو ایمان سر بئسا یا بکفه به اون ارباب
 مربوطه و اونم خو پا سر ایسه چونکی خُداوند
 تانه اون سَپا بداره.

۵ اینفر ایتا روج دیگه روجان جا بختر دانه؛
 ولی اینفر دیگه، تمان روجان ایجور دانه.
 هرکس بایستی خودش فکر درون خو عقاید
 باره خاطر جمع ببه. ۶ اونکی ایتا خاص روج
 احترام دَره، خُداوند احترام ره آ کار کونه. اونکی
 خُوره، خُداوند احترام واسی خوره، چونکی
 خُدا ی شُکر کونه ولی اونی تَم کی نُخوره، اونم
 خُداوند احترام ره آ کار کونه و خُدا ی شُکر
 کونه. ۷ چونکی هیتّا جه امان، خودش ره زیندگی
 نکونه و هیتّا جه امان خودش ره نیمیره. ۸ چره
 کی آگه زیندگی کودن دریم، خُداوند ره زیندگی
 کونیم، و آگه میریم، خُداوند ره میریم. پس
 چی زیندگی بُکونیم، چی بیمیریم خُداوند شین
 ایسیم. ۹ چونکی مسیح هم هنه واسی بمرد و
 زنده بُبوست، تا هم زنده ثان و هم مُرده ثان
 خُداوند ببه.

۱۰ پس تو چره تی برار ره داوری کوئی؟ یا
 تو چره تی برار پست ایشماری؟ چونکی امان
 همتان خُدا داوری تخت جُلُو ایسیم. ۱۱ چره
 کی اشعیای پیغمبر کتاب درون بینویشته
 بُبوسته:

«خُداوند گه: به می زیندگی قسم،

هر زانویی می جُلُو فچمه،

و هر زوانی خُدا ی اقرار خوائه کودن.»

۱۲ هرتا جه امان خو حساب خُدا ی پس دئه.

مالیات فادید، آگه احترام، احترام بنید و آگه
 حُرمت، حُرمت بنید.

شریعت بجا آوردن، بواسطه ی محبت

۸ هی دینی هیگسی گردن ندرید، جغیر آنکی
 همیشه همدیگر محبت بُکونید، چونکی
 هرکس اینفر محبت بکونه، شریعت بجا
 باورده. ۹ چونکی آ حکمان، 'زینا نُکون'، 'قتل
 نُکون'، 'دوری نُکون'، 'طمع نُکون'، و هر
 تا حکم دیگری کی ببه، همتان آ کلام درون
 خلاصه به کی «تی همساده ی خودت مانستن
 دوست پَدَر.» ۱۰ محبت، خو همساده ی بدی
 نُکونه؛ پس محبت، شریعت تمان و کمال به
 انجام فارسانه.

۱۱ بعلاوه، شُمان دَندیدی کی چی زمات درون
 ایسائیدی، هسا اون وقت فارسه کی خواب جا
 ویریزید. چره کی الان در مقایسه با اَ زمانِ کی
 ایمان باورده بیم، آمی نجات نزدیکتر بُبوسته.
 ۱۲ شب تمان بوستن دَره و روج نزدیک. پس
 بائید تاریکی بد کاران، ایتا کنار تودیم و نوره
 زره ی دُکونیم. ۱۳ بائید دُرس رفتار بُکونیم کی،
 شایسته اوشانی ایسه کی روج روشنایی درون
 سر کونیدی، نه عیاشی و عرق خوری درون، نه
 زینا و هرزگی درون، نه دعوا مرافع و حسودی
 درون. ۱۴ بلکی عیسی مسیح خُداوند شخصیت
 ایتا رخت مانستن دُکونید و جسم هوا و هوس
 واسی تداوک نیدینید تا اون خواسته ثان بجا
 باورید.

همدیگر قضاوت نکونید

کسی کی اون ایمان ضعیف، شیمی
 میان راه بدید، ولی نه آنه واسی کی اون
 عقاید باره اون امرا بگو مگو بُکونید. ۲ اینفر
 ایمان اون اجازه دئه کی هر غذایی ی بُخوره،

درون دینہ، ہونہ بارہ اون خوشحال کونہ، تا اون ایمان تقویت بکونہ۔^۳ چونکی مسیح خو خوشحال کوند دُمال بُو، بلکی ہطوکی داوود زمور درون بینویشہ بُوستہ: «سرکوفت اوشانی کی ترہ سرکوفت بزئید، می سر بکفت.»^۴ چون ہرچی کی قدیم روجان بینویشہ بُوستہ، امی تعلیم واسی بو تا مُقاومتِ امرا و ا دیلگری کی مُقدس بینویشہ ٹان، امرہ قیدہ ئ، اُمید بداریم۔

^۵بہ کی، خُدای کی مُقاومت و دیلگری دئہ، شمرأ عطا بکونہ تا اوجور کی مسیح عیسی خواستہ امرا جور ایسہ ہمدیگر مرا مدارا بکونید،^۶ تا ہمدیگر امرا یکدیل ویک زوان، امی خُداوند عیسی مسیح پتر یعنی خُدای پرستش بکونید۔

^۷پس ہطوکی مسیح شمرأ گرمی مرا قُبیل بکود، شُمانم ہمدیگرہ گرمی امرا قُبیل بکونید تا خُدا جلال بیگیرہ۔^۸ چونکی شمرأ گم کی مسیح، ختنہ بُوستہ ٹان خیدمتکار ببوست، تا خُدا راستی نیشان بدہ، تا ا وادہ ٹان کی خُدا امی اجداد فذہ بو، تصدیق بکونہ،^۹ و تا غیر یہودیان، خُدای اون رحمت واسی جلال بدید۔ ہطوکی مقدس بینویشہ ٹان درون بینویشہ بُوستہ:

«پس من ترہ غیر یہودیان میان ستایش خوائم کوند،

و تی نام درون آواز خوانم۔»

^{۱۰}ایوار دہ گہ:

«ای جغیر یہودیان، اون مردوم امرا

شادی بکونید!»

^{۱۱}و بازم زمور کتاب درون گہ:

«ای تمان جغیر یہودیان، خُداوند

ستایش بکونید!

بہ کی تمان مردمان، اون جلال بدید!»

^{۱۳}پس، بائید بازین پس ہمدیگر قضاوت نُکونیم، بلکی تصمیم بیگیرید کی ہیچ سنگی تاش خوردن رہ و یا مانعی شیمی برار راہ سر نانید۔^{۱۴} خُداوند عیسی درون من دانم و قانع ایسم کی ہیچی خورہ خورہ نجست نیہ، ولی آگہ اینفر ایچی ئ نجس بدانہ، اون رہ نجستہ۔^{۱۵} آگہ تی غذا خوردن امرا تی برار اذیت کونی، دہ محبت امرا رفتار نُکودن دری۔ تی غذا خوردن امرا، تی برار کی مسیح اون واسی بمرد، ہلاک نوا کوند۔^{۱۶} پس وائلا نید اونچی واسی کی خُب دَنیدی، بد بگد۔^{۱۷} چونکی خُدا پادشایی، خوردن و نوشتن نیئہ، بلکی صالحی، صلح و سلامتی و شادی روح القدس درون ایسہ۔^{۱۸} ہرکس اُطو مسیح خیدمت بکونہ، خُدا اون قُبیل ذرہ و مردمم اون تصدیق کونیدی۔

^{۱۹}پس بائید اوچی دُمال ببیم کی باعث برقراری صلح و سلامتی و ہمدیگر ایمان تقویت بہ۔^{۲۰} غذا خوردن واسی خُدا کار خراب نُکون! راس راسی تمانِ غذا ٹان پاکید، ولی ہر غذائی کی باعث بہ اینفر بگفہ، کار دُرستی نیہ۔^{۲۱} بختہ کی گوشت نخوری یا شراب نُنوشی یا کاری نکونی کی باعث کفتن تی برار بہ۔

^{۲۲}تی ایمان آچیان بارہ، تی میان و خُدا میان بدار۔ خوشا بحال اُگس کی اونچی واسی کی خو بارہ تصدیق کونہ، خودش داوری نُکونہ۔^{۲۳} ولی کسی کی ایتا غذا خوردن واسی شک ذرہ، آگہ اون بُخورہ محکوم بہ، چونکی ایمان امرا نُخورده و اونچی کی ایمان جا نہ، گناہ ایسہ۔

۱۵ امان کی قوی ایسیم، بایستی اوشانی کی ضعیف ایسید تحمل بکونیم و امی خوشحال کوند دُمال نبیم۔^۲ ہرتا جہ امان بایستی ہر خُب چی کی خو ہمسادہ

۱۲ و ایوارده اِشعیا پیغمبر ئم گه:

«یسا بنه، خوائه آمون،

کسی کی ویریشته تا جغیر یهودیان سر
حُکمرانی بکونه؛

جغیر یهودیان اُون سر اُمید خوائید
داشتن.»

۱۳ ببه، خُداپی کی اُمید فِدِه شمرّا تمان شادی
و صلح و سلامتی کی ایمان درون، پُر بُکونه،
اوجور کی روح القدس قوت مَرّا اُمید جا لبالب
پُر ببید.

پولس خیدمت غیر یهودیان ره

۱۴ ای می براران، من خودم شیمی جا خاطر
جمع ایسم کی شُمان خودتان خُبی جا پُر ایسید
و دانایی جا کاملاً پُر ایسید و تانید همدیگر
تعلیم فدید. ۱۵ ولی چن تا جریان باره خِیلی
جسارت بُکودم، شمرّا بینویشتم تا اوشان
شیمی یاد باورم، چون خُدا آ فیض مَره فده،
۱۶ کی جغیر یهودیان ره مسیح عیسی، نوکر بیم
و خُدا انجیل خیدمت کودن ره گاهنی بُکونم،
تا جغیر یهودیان، خُدا حضور درون پیشکشی
قابیل قُبیل ببید کی بواسطه ی روح القدس
تقدیس بُبوسته دَره.

۱۷ پس من مسیح عیسی درون آ خیدمتی کی
خُدا واسی کودن دَرَم ره دلیل دَرَم کی افتخار
بُکونم. ۱۸ چونکی جرأت نُکونم ایچی جا گب
بزنم، اِلا اونچی کی مسیح بواسطه ی من به
انجام فارسانه، تا غیر یهودیان ایمان مطیع
بکونم، بواسطه ی می گبان و می کاران، ۱۹ اون
آنه نیشانه ثان و مُعجزات نیرو مرا، یعنی خُدا
روح نیرو آمرا-انجام پده، هُطوکی اورشلیم جا تا
ایلیریکوم بُشوم، مسیح انجیل خیدمت تمانم،
انجام بدم. ۲۰ می آرزو همیشک آن بو کی
اُ جائی انجیل موعظه بُکونم کی مسیح نام

نیشناوسته بید، تا نبه کی من اینفر دیگر پی
سر بنائی چاکونم، ۲۱ هُطوکی اشعیای پیغمبر
کتاب درون بینویشته بُبوسته:

«اوشانی کی اون جا بی خبر بید، دینیدی،
و اوشانی کی نیشتاوسته بید، فهمیدی.»
۲۲ آنه واسی ایسه کی، چن وار خواستیم بایم
شیمی ورجا و بُبوسته.

۲۳ ولی هسا، چونکی آ منطقه درون، ده مَره
کاری نمانسته کی بُکونم، و جه اويا کی خِیلی
ساله ذوق دَرَم شیمی ورجا بایم، ۲۴ اُمید دَرَم کی
وقتی اسپانیا شتون دَرَم می راه سر شمرّا ببیدیم،
تا بعد اونکی ایپچه شمرّا ببیدم، مَره سفره
واسی اويا شتون ره یاری بدید. ۲۵ ولی الان،
خوائم اورشلیم شار بشم تا اويا مُقدسین ره
کمک مالی بیزم. ۲۶ چونکی کلیسائان مُقدونیه
و آخائیه خوائیدی اورشلیم مُقدسین ناداران
ره کمک مالی جما کونید. ۲۷ اوشان خودشان
خواستیدی آ کار بُکونید؛ و راس راسی اوشان
اورشلیم ایمانداران مدیون بید. چون آگه جغیر
یهودیان، برکات روحانی درون یهودیان آمرا
شریک بُبوستید، یهودیانم بایستی برکات مالی
درون اوشان خیدمت بُکونید. ۲۸ پس وختی
آ کار تمان کودم و اونچی کی جمع بُبوسته
ی اوشان دس فارسائیم، شیمی راه جا اسپانیا
سمت شَم. ۲۹ دانم وختی کی شیمی ورجا بایم،
مسیح برکت آمرا کی فراوان ایسه ایم.

۳۰ ای براران، آمی خُداوند عیسی مسیح
واسی و محبتی کی روح القدس درون نئه،
شیمی جا خواهش کونم کی همیشک خُدا
حضور میان مَره دُعا بُکونید، آ کار آمرا می
خیدمت درون شریک ببید. ۳۱ تا یهودیه بی
ایمانان دَس جا، جان سالم به دَر برم و می
خیدمت اورشلیم واسی، مُقدسین ره قُبیل ببه.
۳۲ بازیمن، خُدا بخوائه ذوق مرا شیمی ورجا

درون ایسائیڈ سلام فارسانید۔^{۱۲} تُریفینا و تُریفوسا، اُخدامانی کی خُداوند خیدمت درون زحمت کشیدئی سلام فارسانید و پرسیسَم کی می اویتا عزیز رفق کی خُداوند درون خَیلی زحمت کشہ، سلام فارسانید۔^{۱۳} روفُس کی خُداوند درون انتخاب بُبوستہ و اوِن مار کی در حق منم ماری بُکودہ درہ، سلام فارسانید۔^{۱۴} آسینگریتوس، فُلگون، ہرمس، پاتروباس و ہرماس و بقیہ ی برارانی کی اُشانِ آما ایسائیڈ، سلام فارسانید۔^{۱۵} فیلولوگوس، یولیا، نیرپاس و اوِن خاخور، و اولیمپاس و تمانِ مُقدسینی کی اوشانِ آما ایسائیڈ، سلام فارسانید۔^{۱۶} ہمدیگرہ ایتا مقدس ماچی آما سلام بیگید۔ تمانِ مسیح کلیساان شمرأ سلام فارسانید۔

آخرتا سفارش

^{۱۷} ای براران، خوائم کی شیمی جا خواہش بکوئم اوشانی کی باعث سیوای ایسیدِ مراقب ببید و شیمی راہ درون سَد نیئید و جہ تعلیمی کی شُمان یاد بیگیتید آما مخالفت کونید جا دوری بُکونید،^{۱۸} چونکی آجور آدماں آمی خُداوند مسیح خیدمت نُکونیدی، بلکی خوشانِ شکم فکر ایسید و قشنگ گبان و خاش والیسی آما، سادہ آدماں گول زنیدی۔^{۱۹} شیمی اطاعت کودن آوازہ ہمتانِ میان دگفتہ؛ و شیمی واسی خَیلی ذوق کونم۔ ولی شیمی جا خوائم کی، اونچی جُلُو کہ حُبِ دانا، و اونچی جُلُو کی بَد، سادہ ببید۔^{۲۰} صلح و سلامتی خُدا خَیلی زو شیطانِ شیمی لنگانِ جیر لہ کونہ۔ آمی خُداوند عیسیٰ فیض شیمی آما بہہ۔

بایم و شیمی امرا جانی تازہ بیگیرم۔^{۳۳} صلح و سلامتی خُدا شیمی ہمتانِ آما بہہ۔ آمین۔

سلام و درود

۱۶ آمی خاخور فیبی سفارش شمرأ کونم۔ اون جہ کِنخریہ شارِ کلیسا خیدمتکاران ایسہ۔^۲ اون خُداوند درون، اوجور کی مقدسین لایق ایسہ، قُبیل بُکونید و ہر کمکی کی شیمی جا بخواستہ مضاقا نُکونید، چونکی اون خَیلیان، حتی خود مَرہ، خَیلی کمک بُکودہ درہ۔^۳ می ہمکاران مسیح عیسیٰ درون، پُریسکیلا و آکیلائی، سلام فارسانید۔^۴ اوشان، خوشان جانِ می واسی خطر درون تَوڈئید، و نہ فقط من، بلکی تمانِ جغیر یہودیان کلیساانم اوشانِ جا تشکر کونید۔^۵ ہطویم، کلیسانی کی اوشان خانہ درون ہمدیگر آما جما ببید، سلام فارسانید۔ می عزیز رفقِ اِپینتوس سلام فارسانید، اون اولتا کسی بو کی آسیا درون مسیحِ ایمان باورد۔^۶ مریم کی شیمی واسی خَیلی زحمت بکشہ، سلام فارسانید۔^۷ می فامیلان، آندرونیکوس و یونیا کی می آما خولتانک درون ایسابید، سلام فارسانید۔ اوشان رسولان میان، سرشناس ایسید کی پیشتر جہ من مسیحِ ایمان دشتیدی۔^۸ می عزیز رفقِ خُداوند درون آمپلیاتوس سلام فارسانید۔^۹ آمی ہمکاران مسیح درون، اوربانوس، و می عزیز رفیقِ استاخیس، سلام فارسانید۔^{۱۰} آپلیس کی خو امتحانِ مسیح درون پس فدہ درہ، سلام فارسانید۔ آریستوبولس خانوادہ ی سلام فارسانید۔^{۱۱} می خویش و قوم ہیرودیون و نارکیسیون خانوادہ کی خُداوند

۲۴ «آمی خُداوند عیسی مسیح فیض شُمان همتان آمرا ببه. آمین».

۲۵ هَسّا جلال اونَ کی، تانه عین می انجیل و عیسی مسیح موعظه شمرأ تقویت بُکونه- یعنی عین ایتا راز واشکافتن کی خَیلی زَمات جیگا بُخورده بمانسته بو، ۲۶ ولی الان بنا به پیغمبران بینویشته ثان و خُداى ابدی حُکم آمرا تمان مردومان ره آشکار بُبوست، تا اوشان ایمان باورید و اطاعت بُکونید- ۲۷ اونَ کی تنها خُداى دانا ایسه، بواسطه ی عیسی مسیح تا ابد جلال ببه! آمین.

۲۱ می همکار تیموتائوس شمرأ سلام فارسانه. می خویش و قوم لوکیوس، یاسون و سوسیپاتِرْم شمرأ سلام فارسانید.
۲۲ من، تَرتیوس، کی آ نامه ی بینویشتم، خُداوند درون شمرأ سلام فارسانم.
۲۳ گایوس کی من و تمان اوشان جا کی آیا کلیسا درونید میمانداری بُکود، شمرأ سلام فارسانه.
إراستوس که شار خزانه دار ایسه، و آمی برار کوآرتوس شمرأ سلام فارسانیدی.

